



Bureau du Primat  
Diocèse de France  
de l'église apostolique arménienne  
31 janvier 2018 – No 1

Առաջնորդարան Հայաստանեայց Առաքելական Եկեղեցու, 31 Յունուար 2018 – N° 1

**ԵՐԻՏԱՍԱՐԴԱԿԱՆ ՏԱՐՈՒՄՑ ՏՕՆԱԿՍԱՐԴՈՒԹՅՈՒՆՆԵՐԸ ՄԿՄԱՆ:** Շաբաթ, Յունուար 13-ին, Ֆրանսիայի երիտասարդ հայերը, առաջնորդի եւ հոգեւորականներու ընկերակցութեամբ, հոգեւոր երգերով, աղօթքներով եւ Աստուածաշնչի ընթերցմամբ, նշեցին Նոր Տարին հին օրացոյցի համաձայն: Այս ձեւով անոնք Երիտասարդական Տարուայ տօնակատարութիւնները սկսան: Յայտնի է թէ, Ն.Ս.Օ.Տ.Տ. Գարեգին Բ. Օայրագոյն Պատրիարք եւ Ամենայն Հայոց Կաթողիկոսը 2018 տարին հռչակած է Երիտասարդութեան Տարի: Արարողութիւնը, հոգեւորականներու եւ երեկոն կազմակերպող Եկեղեցասէր Երիտասարդներու դէպի խորան երթով սկսաւ: Եկեղեցին լեցուած էր բոլոր տարիքի հաւատացեալներով: Նախ ողջոյնի ուղերձով հանդէս եկաւ թեմի առաջնորդ Գերաշնորհ Վահան Եպիսկոպոս Յովհաննէսեանը, այնուհետեւ խօսք առաւ Ֆրանսիայի Հայ Առաքելական Եկեղեցու Երիտասարդներու Նախագահ Լուսին Արզումանեանը: Իր կարգին, ան բացատրեց այս տօնին կարեւորութիւնը ու նշանակութիւնը, քանի որ Փարիզի հայկական մայր տաճարին մէջ առաջին անգամ է որ կը կազմակերպուէր նման արարողութիւն մը: Օրագիրը սկսաւ իրիկուան աւանդական ժամերգութեամբ, որուն յաջորդեցին Աւետարանի երգեր եւ Նոր Տարուայ եւ Սուրբ Ծնունդի թեմայով ֆրանսերէն եւ հայերէն հոգեւոր երգերու ցանկ մը, որոնցմէ եօթը հատը որ Աւետարանէ առնուած էր, երկու լեզուով կարդացուեցաւ: [Տեսնիւք դիտելու համար սեխմել այստեղ:](#)



**ԱՄՆԱՐԻ ԸՆԴՈՒՆԵԼՈՒԹՅՈՒՆ:** Ուրբաթ, Յունուար 26-ին, Թեմի Առաջնորդ Վահան Եպիսկոպոս Յովհաննէսեան կազմակերպեց Ամանորի ընդունելութիւն մը, որուն հրաւիրուած էին Թեմական Խորհրդի նախագահը եւ անդամները իրենց կողակիցներու հետ, ինչպէս նաեւ Թեմի Առաջնորդական Ընդհանուր Փոխանորդ Տ. Գրիգոր Աբեղայ Խաչատրեանը, քահանաները, Փարիզի եւ փարիզեան շրջանի Օիսկան Խորհուրդներու նախագահները եւ անդամները: Մեղանը օրհնելէ առաջ Սրբազան Հայրը ողջունեց բոլոր հիւրերը եւ Հայ Եկեղեցու համար անոնց կատարած ջանքերուն համար, ամէնուն շնորհակալութիւն յայտնեց: Ան նշեց Ֆրանսիայի մէջ Հայ Եկեղեցու առջեւ ծանոցած շարք մը մարտահրաւերներ ու աւելցուց որ "ընտանիքի մը պէս միասին աշխատելը մեզի կ'օգնէ յաղթահարելու այդ մարտահրաւերները": Թեմական Խորհուրդի նախագահ պրն. Փաթրիս ճուլլեան շնորհակալութիւն յայտնեց Սրբազանին եւ բոլոր հիւրերուն կենացը բաժակ մը "շամփայն" բարձրացուց՝ մաղթելով անոնց լաւ տարի մը: Այս ընդունելութիւնը, տարբեր ծուխերու անդամներուն իրարու հետ աւելի լաւ ծանօթանալու, եւ համագործակցութեան գաղափարներ քննարկելու հնարաւորութիւն տուաւ: Երեկոն, որ սկսած էր ժամը 19:00-ին, Թեմական կենդրոնի "Նուրիան Ֆրէնկեան" սրահին մէջ, աւարտեցաւ ժամը 23:30-ին:



**ՆԱՄԱԿԱՆ ԱՅՅԵԼԵՑ ՖՐԱՆՍԱ:** Չորեքշաբթի, Յունուար 24-ին, Հայաստանի Հանրապետութեան Նախագահ Սերժ Սարգսեան երկօրեայ աշխատանքային այց մը կատարեց Ֆրանսա: Նախագահը այցելեց Փարիզ եւ Սթրասպուրկ՝ հանդիպելու համար Ֆրանսիայի Հանրապետութեան Նախագահ Պարոն Էմմանուէլ Մաքրոնին, Օերակոյտի Նախագահ Պարոն Փետար Լաշշէին, Ազգային Ժողովի Նախագահ Պարոն Ֆրանսուա Տը Ռուժիին, ինչպէս նաեւ խորհրդարանի Ֆրանսա-Հայաստան բարեկամութեան խումբի անդամներուն: Յունուար 23-ին Նախագահ Սերժ Սարգսեանը հանդիպում մը ունեցաւ Ֆրանսայի Նախագահ Էմմանուէլ Մաքրոնին հետ: Էլիզեի Պալատին մէջ տեղի ունեցած ողջոյնի արարողոյցի յաջորդեց, երկու նախագահներու աշխատանքային ընթրիքը, որմէ յետոյ համատեղ մամուլի ասուլիս մը կատարեցին: Հայաստանի Հանրապետութեան Նախագահը ընդունուեցաւ նաեւ Փարիզի քաղաքապետ Անն Հիտալկոյի կողմէ, քաղաքապետարանի սրահներու մէջ: Գերշ. Վահան Եպիսկոպոս Յովհաննէսեան, Ֆրանսայի Հայաստանի Դեսպան Վիգէն Զիտեչեանի գլխավորած պատուիրակութեանմասս կը կազմէր: Սրբազանը ողջունեց Նախագահը եւ իր բոլոր ջանքերուն մէջ յաջողութիւն մաղթեց:



**ՎԱՐՈՒՆԱՆՔ ՏՕՆ:** Հինգշաբթի 8 Փետրուար 2018, Յիսուս Քրիստոսէ 450 տարի վերջ տեղի ունեցած Աւարայրի ճակատամարտի եւ Վարդանանցի տօնն է: Այս տօնը հայերու քրիստոնէայ մնալու վճռականութիւնը եւ հեթանոսութեան վերադարձի մերժումը կը նշէ: Զօրավար Վարդան Մամիկոնեան գլխավորեց եւ խրախուսեց հայկական բանակը, պայքարելու հաւատքի եւ հողի համար: Թէեւ Զօրավար Վարդան նահատակուեցաւ, սակայն հայկական ոգին եւ բանակը չոչնչացուեցան: Զօրավար Վարդանի եղբօր Հնայեակի որդին, Վահան Մամիկոնեան Վարդանի թողած ջանք վերցուց եւ հայերը դէպի դիմադրութեան պատերազմ առաջնորդեց: Երեսուն տարի վերջ, 484-ին, պարսիկները ընդունեցան Վահանի պայմանները եւ պայմանագիր ստորագրուեցաւ Նուարսակ գիւղին մէջ: Վահանը Հայաստանի Սարգսեան նշանակուեցաւ: Անոր յաղթանակը տօնուեցաւ Դուինի մայր տաճարին մէջ, Յովհան Մանդակունի (478-490) կաթողիկոսի կողմէ: Այս տարի Վարդանանց յաղթանակը յիշատակող պատարագը պիտի մատուցուի Հինգշաբթի, Փետրուար 8-ին, ժամը 18:30-ին: Եկեղեցու մէջ, պատուելու համար մեր ժողովրդի պատմութեան կարեւոր իրադարձութիւնները, որոնք ձեւաւորեցին մեր ինքնութիւնը եւ ճակատագիրը:



**ԵՐԻՏԱՍԱՐԴՈՒԹՅԱՆ ՏԱՐՈՒՄՑ ԱՌԻՔՈՎ ԺՈՂՈՎՆԵՐ:** Շաբաթ, Յունուար 27-ին, Գերաշնորհ Վահան Եպ. Յովհաննէսեան, Երիտասարդութեան Տարուայ առիթով ժողով գումարեց փարիզեան շրջանի ծուխերու երիտասարդներու հետ: Խումբը քննարկեց այս տարուայ համար նախատեսուած տարբեր ծրագրեր: Նախատեսուած առաջին միջոցառումը, Հայոց Ցեղասպանութեան գոհերու յիշատակին համար արեան նուիրատուութիւն մըն է: Այս գործողութիւնը տեղի պիտի ունենայ Ապրիլին: Ֆրանսայի բոլոր ծուխերը, իրենց քաղաքներուն մէջ այս միջոցառման պիտի մասնակցին: Այլ ծրագրեր ալ կ'ուսումնասիրուին, անոնց կարգին է՝ 2018 Յուլիս 4-էն մինչեւ 8-ը Հայաստանի մէջ կայանալիք Երիտասարդական Համաժողովի մասնակցութիւնը եւ ուխտագնացութիւն դէպի Սուրբ Էջմիածին: Մինչ այդ Երիտասարդութեան Տարուայ կապակցութեամբ, Սրբազան Հայրը Արեւմտեան Եւրոպայի Հայ Եկեղեցու բոլոր Եպիսկոպոսները եւ ղեկավարները պիտի հիւրընկալէ: Այս հանդիպման պիտի նախագահէ Ամերիկայի Միացեալ Նահանգներու Արեւմտեան թեմի առաջնորդ եւ Հայ Եկեղեցու Համաշխարհային Երիտասարդական Միութեան նախագահ Յովհան Արքեպիսկոպոս Տերտրեանը: Հանդիպումը տեղի պիտի ունենայ Ֆրանսահայրգ Թեմի գրասենեակներուն մէջ:



**«ԱՐԻ ՏՈՒՆ»:** 2018 թուականը կը նշէ «Արի Տուն» ծրագրի 10-ամյակը: Սփիւռքի նախարարութիւնը ներկայիս կը վերսկսի այս տարուայ համար նախապատրաստական աշխատանքները: 2018-ի ծրագիրը կը սկսի Յունիս 17-ին եւ կը շարունակուի մինչեւ Օգոստոս 25, 8 փուլով (իւրաքանչիւր փուլ 14 օր՝ 9 օր, հիւրընկալող ընտանիքի մօտ եւ 4 օր ճամբարի մէջ): Մասնակիցները կրնան ընտրել նաեւ ընկերներու կամ ընտանիքի անդամներու քով ապրիլ: Այս տարի ծրագիրը բաց է 13-17 տարեկան դիմորդներու համար, որոնք աւելի առաջ չեն մասնակցած ծրագրին: Սփիւռքի նախարարութիւնը պիտի կազմակերպէ կամ պիտի տրամադրէ 1. ժամանման ատեն պատանիները օդակայանէն դիմաւորել: Վերադարձի պահուն ալ անոնց ընկերանալ մինչեւ որ Հայաստանէն հեռանան: 2. Տեղադրում (հիւրընկալող ընտանիքի հետ 9 օր + 4 օր ճամբար), 3. Թանգարաններու այցելութիւններ, Հայաստանի բազմաթիւ վայրերու կազմակերպուած շրջագայութիւններ, 4. Հայոց լեզուի դասընթացներ, 5. Հայկական աւանդական երգի եւ պարի դասընթացներ, 6. Ծամփորդութեան ընթացքին անվտանգութեան ապահովում, մասնակիցներուն կ'ուղեկցեն բժիշկներ եւ ոստիկաններ: Մասնակցութիւնը անվճար է. Մասնակիցները միայն կը վճարեն իրենց միջազգային ճանապարհորդական ծախսերը (օդանաւի տոմս եւ այլն): Լրացուցիչ տեղեկութիւններու ծանօթանալու համար կարելի է նայիլ հետեւեալ կայքին՝ <http://aritun.am/application> Դիմումները կարելի է նաեւ ել-գիրով ուղարկել՝ [europedep@gmail.com](mailto:europedep@gmail.com) հասցէին:

**Փետրուար Février**

1. **Տօն Սրբոցն Ոսկեանց քահանայից:**  
La fête de Saints Oskiants
3. **Տօն Սրբոցն Բահակայ Պարթեի Հայրապետին մերոյ:**  
La commémoration de notre patriarche Saint Sahak (Isaac) le Parthe
5. **Տօն Սրբոցն Մարկոսի Եպիսկոպոսին, Պիոնի Քահանային, Կիւրիի եւ Բենիամինի սարկաւազացն եւ սրբոցն վկայիցն Արդմսեի Որսգոյանայ եւ Սալեմի:**  
Marc, évêque d'Aréthuse, Pion prêtre de Smyrne et les diacres Cyrille et Benjamin, les martyrs Abdelmseh, Hormisdas, Saën
6. **Ս. Ղեւոնդեանց Քահանայիցն**  
Fête des Saints Prêtres Ghévontiantz (la fête des prêtres)
8. **Ս. Վարդանանց Զորավարացն**  
Fête des Saints Vartanants
10. **Կոստանդնուպոլսոյ 1 սուրբ ժողովըն 150 հայրապետացն 381թ**  
Fête de 150 Saint Patriarches du Concile de Constantinople (381)
11. **ԲՈՒՆ ԲԱՐԵՎԵՆՂԱՆ**  
CARNIVAL
14. **Տեառնընդառաջ**  
Fête de la Présentation

- ՎԵՐՋԻՆ ՎԱՅՐԿԵԱՆ...**
1. Կիրակի, Փետրուար 11-ը, Բուն Բարեկենդանն է: Մեծ պահքի սկիզբը: Օրուան պատարագին է՝ Ֆրանսահայոց Թեմի Առաջնորդ Վահան Եպիսկոպոս Յովհաննէսեան՝ ժամը 10:30-ին:
  2. Թեմի օրացոյցները դեռ տրամադրելի են: Եթէ կը ցանկանաք ունենալ դիմեցեք թեմի գրասենեակին:
  3. Շաբաթական «Մեր Պատարագը Էջ Առ Էջ Ուսումնասիրութիւն» դասընթացի յաջորդ նիստը Փետրուար 7, ժամը 20-ին է. իսկ շաբաթական Աստուածաշունչի ուսումնասիրութեան խումբի նիստը Հինգշաբթի Փետրուարի 8-ին: Այս ձեռնարկներուն փափաքող ամէն անձ կրնայ մասնակցիլ:

